

Áveitan

7. tbl. 9. árgangur. Júlí 2015

Hjólarall

Fimmtudagskvöldið 16. júlí n.k. verður hið árlega hjólarall Umf. Vöku haldið í gryfjunum við Hurðarbaksveg. Keppnin hefst uppúr kl. 20 og er fyrir allan aldur. Allir keppendur fá viðurkenningu fyrir þátttökuna.

Að keppni lokinni verður opin sjoppa í bílskotti með ýmsum varningi, og veitt verða verðlaun. Nú er um að gera að mæta með hjól, hjálm og góða skapið og spreyta sig í skemmtilegri keppni, allir sveitungar velkomnir.

Skemmtinefnd Umf. Vöku

Leikjakvöld í Einbúa

Minum á leikjakvöldin okkar í sumar undir stjórn þeirra Gunnhildar og Birgittu alla þriðjudaga kl. 20:00. Endilega allir að mæta í léttu leiki og glens á fallegum sumarkvöldum á yndislegum stað.

Umf. Baldur



Áveitan í Flóahreppi

Útgefendur: Ungmennafélagin Baldur, Samhygð og Vaka.

Ábyrgðarmenn:

Baldur Gauti Tryggvason
ballroq@hotmail.com

Stefán Geirsson
stegeir@hotmail.com

Fanney Ólafsdóttir
fanneyo@emax.is

Frá sveitarstjóra

Kæru íbúar

Sumarið hefur nú loksins náð til okkar, allur gróður kominn í blóma og birkið orðið laufigað. Því fylgja árstíðabundin verkefni vinnuskólans okkar, sláttur, hirðing og tiltekt á útisvæðum. Flokkstjóri í vinnuskólanum er Árni Geir Hilmarsson og hjá honum starfa 11 duglegir krakkar sem ekki láta sitt eftir liggja við að fegra og bæta umhverfið sitt.

Mikil þátttaka var á hátíðinni Fjör í Flóa um síðustu mánaðarmót og mikil ánægja með allan undirbúning og dagskrána í heild. Talið er að um 800 manns hafi komið og borðað morgunverð í Þingborg á laugardagsmorgninum. Dagskráin var fjölbreytt og vönduð í alla staði og opið hús á mörgum stöðum í sveitinni. Góð skemmtun bæði fyrir gesti og heimamenn á öllum aldri. Vel gert Flóamenn.

Þjóðhátíðardagurinn var haldinn hátíðlegur með skemmtilegri dagskrá í Þingborg. Fjallkona ársins 2015 var Gunnhildur Gísladóttir á Stóru-Reykjum. Umhverfisverðlaun Flóahrepps 2015 voru afhent. Þau eru veitt eftir tilnefningar frá atvinnu og umhverfisnefnd sveitarfélagsins. Ingunn Jónsdóttir formaður nefndarinnar afhenti fulltrúum frá lögbýlinu Heiðargarði og fyrirtækinu Formax í Gegnishólparti viðurkenningarskjal og Kirsuberjatré. Auk þess eru sett upp skilti við heimreiðar allra þeirra sem ná þessum árangri. Félagsmálabíkar Ungmennafélagsins Baldurs kom í hlut Baldurs Gauta Tryggvasonar þetta árið. Kaffihlaðborðið varð sérstaklega myndarlegt en hver bær tók með sér meðlæti til þess að leggja á hlaðborðið.

Lokið hefur verið við smíði á vönduðum pöllum við alla innganga í leikskólann okkar og áfram er unnið er að frágangi lóðarinnar. Það er fyrirtæki Jóhanns Helga í Vatnsholti sem sér hellulögn og girðingar. Snjóbræðsla verður lögð undir stéttar, sett upp ný girðing sem afmarkar plan og hjólasvæði framan við aðalinngang. Þá verður einnig gengið frá girðingu utan við Lóudeildina og smíðað gott gerði um soppílátin. Við vonum að

Þegar leikskólinn opnar aftur eftir sumarleyfi þá verði frágangi þessara verkefna að fullu lokið.

Vinna við aðalskipulagsgerð Flóahrepps er komin í gang og fyrsti fundur með hagsmunaaðilum var haldinn í Félagslundu 10. júní. Næsti fundur verður í lok ágúst og verður tímasetning hans auglýst nánar á heimasíðu og facebooksíðu sveitarfélagsins. Gögn vegna aðalskipulagsgerðarinnar eru aðgengileg á heimasíðu Flóahrepps, www.floahreppur.is, blár tengill, hægra megin. Fulltrúar í Sveitarstjórn Flóahrepps sinna hlutverki stýrihóps við aðalskipulagsgerðina og er íbúum og öðrum hagsmunaaðilum bent á að koma ábendingum og athugasemdum til þeirra.

Skrifstofa Flóahrepps verður lokuð í þrjár vikur vegna sumarleyfa frá 6. júlí – 24. júlí. Venjubundnum ágústfundi sveitarstjórnar verður frestað um eina viku og verður hann haldinn 12. ágúst. Erindi sem óskað er eftir að tekin verði fyrir á þeim fundi þurfa að berast fyrir klukkan 12.00 föstudaginn 7. ágúst.

Atvinna

Skólaliði. Starfshlutfall 100%

Starfssvið:

Starfar með nemendum í leik og starfi utan og innan kennslustofu

Annast gangavörslu og sinnir frímínútnagæslu

Starfar við lengda viðveru (frístund)

Sér um ræstingu

Hæfniskröfur:

Áhugi og reynsla á að vinna með börnum kostur

Reynsla við ræstingarstörf kostur

Hreint sakavottorð skilyrði

Umsóknarfrestur er til og með 14. júlí 2015. Nánari upplýsingar gefur Anna Greta Ólafsdóttir skólastjóri, sími 486-3460. Umsókn skal senda á netfangið annagreta@floaskoli.is.

Launakjör eru samkvæmt kjarasamningi Sambands íslenskra sveitarfélaga og Félags opinberra starfsmanna á Suðurlandi.

Sumarferð Kvenfélags Villingaholtshrepps

Fimmtudaginn 9. júlí munu kvenfélagskonur í gamla Villingaholtshreppi halda á vit ævintýrana.

Lagt verður af stað frá Þjórsárveri kl. 11 og haldið af stað í Rangárvallasýsluna.

Við munum kynna okkur ýmsa áhugaverða staði og fræðast um sögu þeirra, leita uppi fallegar handverksverslanir, fá okkur góðan mat og njóta dagsins.

Skráning í ferðina er á netfangið sigrunhrefna@gmail.com eða í s. 862-1574, 863-9501 í síðasta lagi mánudaginn 6. júlí.

Kvenfélagskonur fjölmennum og klæðum okkur eftir veðri. Verð í rúttuna er kr.1000.-

Skemmtinefndin.

Frá Umf. Baldri:

N4 í Einbúa

Í byrjun júní kom norðlenska sjónvarpsstöðin N4 að heimsækja okkur á leikjakvöld í Einbúa. Nánar tiltekið var það þátturinn *Að sunnan* sem er í umsjá Margrétar Blöndal og Sighvats Jónssonar. Fjallað er lítillega um svæðið og það starf sem þar er unnið með viðtölum við formann félagsins, þjálfara og krakkanna. Hægt er að horfa á þáttinn með því að fara á heimasíðu stöðvarinnar www.n4.is, velja þar þættir og finna *Að sunnan*. Síðan er að leita að þættinum sem sýndur var þann 17. júní, innslagið um Einbúa hefst eftir að 2 mínútur eru búnar af þættinum. Njótið vel.

Bændur athugið !

Tek að mér rúllun í sumar.

Er með Mchale fusion 3 plus samstæðu.

Upplýsingar gefur Gummi í Túni í síma 774-0182

Fréttir frá Krakkaborg

Nú er skólaárið 2014-2015 senn á enda og óhætt er að segja að það hafi verið viðburðaríkt. Hæst ber að sjálfsögðu flutningur leikskólans í nýtt og endurbætt húsnæði í Þingborg. Þar fer mjög vel um okkur og aðstaða til fyrirmyndar. Í sumar verður svo lokið við frágang á lóð leikskólans, gengið frá bílastæðum, girðingum, snjóbræðslu o.s.frv. Sigríður Birna Birgisdóttir leikskólastjóri hefur sagt starfi sínu lausu. Hún tekur við stöðu leikskólastjóra í sameinuðum leikskóla Æskukots á Stokkseyri og Brimvers á Eyrabakka í haust. Leikskólastjórastaða Krakkaborgar hefur verið auglýst og er stefnt að ráðningu frá 1. ágúst n.k.

Krakkaborg lokar vegna sumarleyfa 1. júlí og opnar aftur fyrir nemendur fimmtudaginn 6. ágúst kl 12:00. Foreldrar eru beðnir um að athuga vel að ekki er boðið upp á hádegismat þennan dag en síðdegishressing verður á sínum stað kl 15:00.

Fyrir hönd starfsmanna vil ég þakka fyrir skólaárið sem er að líða og sérstaklega fyrir alla aðstoð, gjafir og hlýhug í okkar garð. Það er okkur mikils virði að eiga svona einstakt bakland sem gerir gott leikskólastarf, enn betra.

Með sumarkveðju,
Hallfríður Ó. Aðalsteinsdóttir
Aðstoðarleikskólastjóri.



Eyravegi 32 · Sími 480 1160 · Neyðarnúmer 660 1160

Frjálsíþróttافرéttir

Héraðsleikar HSK fóru fram í blíðskaparveðri í Þorlákshöfn þann 14. júní. Fjórir piltar úr keppnisliði Þjótanda mættu til leiks og uppskáru mjög góðan árangur. Að móti loknu fengu allir verðlaunapening fyrir þátttökuna. Hér er árangur keppendanna okkar:

Flokkur 8 ára og yngri:	Grein	Árangur	Sæti
Helgi Reynisson '08	Langstökk	2,75m	1.
	60m hlaup	11,81m	4.
	400m hlaup	1:40,07mín	4.
Flokkur 9 ára:			
Hjalti Geir Jónsson '06	60m hlaup	10,95sek	1.
	Langstökk	2,96m	1.
	400m hlaup	1:35,93mín	2.
Flokkur 10 ára:			
Daði Kolviður Einarsson '05	Hástökk	1,05m	3.
	Langstökk	3,40m	3.
	60m hlaup	10,50sek	1.
	Kúluvarp (2kg)	5,71m	4.
	400m hlaup	1:23,49mín	2.
Sigurjón Reynisson '05	Hástökk	1,00m	6.-7.
	Langstökk	3,43m	1.
	60m hlaup	10,69m	3.
	Kúluvarp	4,76m	8.
	400m hlaup	1:25,27mín	4.

Aldursflokkamót HSK 11-14 ára fór fram í Þorlákshöfn á sama tíma og Héraðsleikarnir. Þar átti Þjótandi einn keppanda og endaði í 10. sæti stigakeppninnar. Hér er árangur keppandans okkar.

Unnsteinn Reynisson '03	Kúluvarp (3kg)	6,48m	6.
	Hástökk	1,10m	5.
	Spjótkest	17,63m	5.
	60m hlaup	10,36m	5.
	Langstökk	3,50m	4.

Héraðsmót HSK fullorðinna fór fram á Selfossvelli dagana 22. og 23. júní. Þar átti Þjótandi einn keppanda og endaði í 7. sæti stigakeppninnar. Hér er árangur okkar keppanda:

Sunna Skeggjádóttir '99	Spjótkest	24,51m	2.
	100m hlaup	15,11sek	6.

Meistaramót Íslands 11-14 ára í frjálsum íþróttum fór fram á Selfossvelli dagana 27.-28. júní. Keppnislið HSK/Selfoss mætti sterkt til leiks með 70 keppendur og sigraði mótið með 1169,5 stig. Á mótinu var mikið fjör og keppnisliðið gisti saman á Selfossi ásamt fleiri liðum, fékk kvöldmat og fór í sundlaugapartí á laugardagskvöldinu. Þrír keppendur liðsins komu úr Flóahreppi og hér er árangur þeirra.

	Grein	Árangur	Sæti
Unnsteinn Reynisson '03	60m hlaup	10,22sek	19.
	Spjótkast	20,03m	18.
Ingibjörg H. Jóhannesdóttir '02	100m hlaup	17,13sek	27.
	800m hlaup	3:12,60mín	11.
	80m gr. hl.	19,83sek	15.
	Langstökk	3,33m	25.
Dagur Fannar Einarsson '02	60m hlaup	13,67sek	4.
	800m hlaup	2:28.99mín	1.
	80m gr. hl.	15,44sek	6.
	Langstökk	4,58m	3.
	Spjótkast	31,60	6.

Dagur var einnig í sigursveit HSK/Selfoss í boðhlaupi pílta 13 ára sem hljóp á 53,93sek og setti HSK met.

Kristinn Þór Kristinsson keppti fyrir Íslands hönd í Evrópukeppni landsliða sem fór fram í Búlgaríu 20.-21. júní. Hann varð í 5. sæti í 800m hlaupi með tímann 1:51,91 og 6. í 1500m hlaupi þar sem hann hljóp á 3:55,71. Kristinn Þór var einnig í landsliði Íslands sem tók þátt á Smáþjóðaleikunum sem fóru fram í Reykjavík dagana 2.-6. júní. Hann keppti í 800m hlaupi og lenti í þriðja sæti með tímann 1:58,94mín. Hann keppti einnig í 1500m hlaupi þar sem hann lenti í 2. sæti á tímanum 3:52,91mín.

gó

Afleysingar

Tek að mér afleysingar og ýmis verk fyrir bændur. Uppl. í 865-7001

Einar Magnússon

**Unglingalandsmót UMFÍ á Akureyri um
verslunarmannahelgina
Keppnisgreinar:**

BADMINTON	KÖRFUBOLTI
BOCCIA	LISTHLAUP Á SKAUTUM
BOGFIMI	MOTOCROSS
BORÐTENNIS	PARKOUR
DANS	PÍLUKAST
FIMLEIKAR	SIGLINGAR
FJALLAHJÓLREIÐAR	SKÁK
FRJÁLSÍÞRÓTTIR	STAFSETNING
GLÍMA	STRANDBLAK
GOLF	SUND
GÖTUHJÓLREIÐAR	TAEKWONDO
HANDBOLTI	TÖLVULEIKIR
HESTAÍÞRÓTTIR	UPPLESTUR
JUDÓ	
KNATTSPYRNA	
KRAFTLYFTINGAR	

**Skráning er hafin á www.umfi.is og stendur til 26.
júlí.**

Dagskrá mánaðarins

Leikjakvöld í Einbúa	7. júlí
Sumarferð Kvenfélags Villingaholtshrepps	9. júlí
Leikjakvöld í Einbúa	14. júlí
Umsóknafrestur um starf í Flóaskóla	14. júlí
Hjólarall Umf. Vöku	16. júlí
Leikjakvöld í Einbúa	21. júlí
Leikjakvöld í Einbúa	28. júlí
Unglingalandsmót UMFÍ	31. júlí-2. ágúst
Leikjakvöld í Einbúa	4. ágúst